



社會組 | 臺灣客家語 | 詩佳作

下課十分鐘（南四縣腔）

下課了，操場真鬧熱，
有人走相逐仔，
有人打籃球，
有人打羽毛球，
也有盡多人打閃避球，
大家搞啊歸身汗。

下課了，大家都盡歡喜，
來去福利社買東西，
天時恁熱個時節，
嘴當燥，
細人仔就最好食枝仔冰，
若係肚肌個時節，
也做得買點心、麵包摻餅仔來食。

下課了，佢等大家共下寮，
有兜人溜滑梯、
有兜人坐孔翹枋、
也有人搞園人尋，
你去避，佢來尋，一等个好搞。

下課了，大家共下來打嘴鼓，
尋一頭大樹仔，
大樹下好寮涼，
微風吹來青草香，
樹上蟬仔聲聲唱，
緊打嘴鼓緊寮涼，真快樂。

下課了，大家共下來花園寮，
玫瑰花、
燈籠花、
還有牡丹花，
欣賞蓋多恁靚个花，
揚葉仔、糖蜂仔也來鬥鬧熱。

下課了，佢最好吊晃槓仔，
煞煞緊來，恩兜來去寮。

下課个時節，
雖然十分鐘定定，
毋過——
實在蓋生趣！

創作理念

我是一個閩南人，偶然間接觸到客家語，竟為客家的語言所著迷，就這樣一字一句地慢慢的學了起來，為了參加第三屆的客語初級認證，因為怕在〈看圖說故事〉的大題，臨時說不出來，所以，幾乎每一張圖片都先寫一段短文……這一篇文章便是那時的創作，以一個初學者，將所學的客家語——簡單的寫出來。

黃美蓉

高雄市凱旋國小、復興國小、大仁國中客語支援教師

